

Resumaziun sesiun d'Interclub 2020

Mesiras da COVID-19 han fatschentau nus l'entira sesiun e vegnan a fatschentar era uonn nus

Ord ils motivs enconuschents da COVID-19 ei la sesiun d'Interclub 2020 vegnida refretga dalla primavera sil davos d'uost. Las preparaziuns (gia il camp tradiziunal da trenament el Tessin ha stuiu vegnir annullaus), ils trenaments e giugs ein stai signai durant l'entira sesiun dils differents concepts da schurmetg. Las mesiras principalas dalla higiena cun lavar ils mauns avon ch'entrar sil plaz, tener la distanza prescreta, buca dar il maun avon ni suenter ils giugs, pachetar ils smaccai denter en folias, manar gliestas d'adressas durant ils trenaments, gliestas da contact dils aspectaturs durant giugs da campinadi e turniers, han accumpignau nus naven dalla primavera entochen igl atun. Veramein biaras caussas che han priu empau igl entusiasmus, il plascher e la spontanitad pil sport da tennis. Cunzun pils capitans eis ei buca stau aschi simpel da setener cun lur equipas vid las mesiras da schurmetg. Mo era per la responsabla dalla casa dil club, pil responsabel da COVID-19, per la suprastonta ed il cauplaz ein las mesiras da COVID-19 stadas ina gronda sfida. Tonaton savein nus trer in conclus fetg positiv dalla sesiun vargada:

- Nus havein durant l'entira sesiun cun trenaments, turniers e giugs d'interclub giu negins cass positivs da COVID-19.
- Las equipas - cunzun ils capitans sco responsabels - ein seteni cun gronda disciplina vid las mesiras da schurmetg e tarmess regularamein las gliestas necessarias al meinagiug.

Quei mereta da mia vart in grond engraziament pil sustegn als capitans, allas equipas, alla suprastonta, al cauplaz sco era alla responsabla dil baghetg. Medemamein ha swisstennis adina susteniu ils clubs cun sbozs da concepts da schurmetg e quei mintgamai gia in di suenter ch'il cussegl federal aveva mintgamai decidiu las mesiras novas. En tut ha ei dau durant la sesiun dalla primavera e stad 2020 quater differentas versiuns e la versiun actuala da swisstennis digl emprem da mars 2021 porta gia la numera 8!

Bunas prestaziuns dallas equipas

Bein fuss ei stau il davos d'uost la partenza dil campinadi. Mo gest la miserabla aura ha fatg in streh atras il plan da giugs en tuttas gruppas. Il medem ei stau per ils giugs previ la davosa runda ch'ei puspei ella entira regiun daventai el ver senn dil plaid ina unfrenda dalla plievgia intensiva. Ils reglaments dils giugs d'Interclub ein vegni adattai da swisstennis alla situaziun speciala. Aschia che giugs spustai ein vegni valetai cun il resultat da 0:0 (termins da prender suenter quels deva ei tuttina buc). Ei ha era sedau ch'equipas han buca saviu cumparer cun tuts giugadurs ni tuttas giugaduras ni schizun in summa buc. E quei ei stau lubiu da swisstennis. Per quei ha ei era dau negina promoziun ni relegaziun.

Emprema ligia Damas

Las damas dalla „elita“ han sco usitau mussau ina prestaziun zun solida e terminau il campinadi cun ils secund rang. La suletta terrada han ei stui prender encunter dil capogruppa d'Uster. Dus giugs ein curdai ina unfrenda dallas malauras.

Secunda ligia Damas

Gronda furora per las giuvnas che giogan per la tiarza sesiun. Ellas scuan „schi-da-num“ lur adversarias cun nundetgs resultats giu dil plaz. Gudognan tuttas lutgas claramein e havessen naturalmei era gudignau il giug encunter Danis-Tavanasa ch'ei vegnius spustaus digl adversari muort munconza da giugaduras. Ins sto menziunar che las giuvnas ein quellas, che han trenau regularamein e consequentamein cun il trenader Urs Pfister (R5). Quel ha segiramein in grond merit da quella prestaziun sorprendenta. Cordiala gratulaziun!

30+ tiarza ligia Damas

Las senioras giuvnas fan medemamein cuortas cun lur adversarias e gudognan tuts treis giugs cun il medem resultat da 5:1. Aschia ch'era ellas termineschon il campinadi sin igl emprem rang. Naturalmei ch'ellas havessen era dumignau el davos giug (ch'ei curdaus ell'aua) las adversarias da Schaan cun il medem resultat. Cordiala gratulaziun!

40+ tiarza ligia Damas

Las „senioras“ dil club demuossan medemamein ina fetg buna prestaziun e termineschan il campinadi sin il tierz plaz. Quei cun dus giugs ch'ei curdai ina unfrenda da l'aura, schiglioc havess la situaziun segiramein aunc vesiu ora meglier.

Umens 3. ligia

In bien secund rang per la giuvna equipa dils umens. Quei cun mo haver dau 2 dau 4 giugs pervia dalla aura. Senz'auter havessen ei recaltgau ulteriurs puncts encunter Pizol e naturalmein era encunter Trin. Demai ch'ei manca ina foto dall'equipa schein nus suandar sper la tabella e la rangaziun ils numns dils giugadurs.

45+ secunda ligia umens

La fin dalla davosa sesiun era l'equipa da seniors vegnida relegada en tiarza ligia, ha denton saviu turnar anavos en secunda muort ina decisiun alla „meisa verda“. Ils seniors han mussau ch'els s'audan cun raschun sin quei scalem. La squadra terminescha il campinadi sin igl emprem rang. Cordiala gratulaziun! Veramein donn ch'il davos giug encunter il grond rival da Danis-Tavanasa ha buca giu liug, pertgei leu fuss ei lu veramein iu per la pleva ni meglier detg mo pli per il perstige. Era cheu manca ina foto dall'equipa aschia schein nus suandar sper la tabella e la rangaziun ils numns dils giugadurs.

Emprema ligia Damas



Da seniester: Paula Nay, **Carmen Bearth – Albin (capitani)**, Silvana Guldemann – Giger, Simona Demont, Sereina Decurtins, silla foto manca Carla Flury – Nay

Giugs e rangaziun

Fehraltorf	-	Trun	0 : 0*
Trun	-	Grasshopper ZH	3 : 1
Trun	-	Uster	2 : 4
Cuera 2	-	Trun	2 : 4
Trun	-	Gaster	0 : 0*

*Giugs curdai ora ein valetai cun 0 : 0

1.	Uster	12	26 – 10
2.	Trun	9	20 – 17
3.	Grasshopper	9	20 – 17
4.	Fehraltorf	8	18 – 17
5.	Chur 2	7	15 – 25
6.	Gaster	5	13 - 26

Damas 2. Ligia



Davos da seniester: Tamara Derungs **Milena Derungs (capitani)**, Tajana Pfister, Geraldine Pfister
Davon da seniester: Dania Petschen, Natascha Wolf

Giugs e rangaziun

Trun	-	Danis/Tavanasa	0 : 0
Pizol	-	Trun	0 : 6
Sevelen	-	Trun	2 : 4
Trun	-	Trin	5 : 1
Panaduz	-	Trun	2 : 4

*Giugs curdai ora ein valetai cun 0 : 0

1.	Trun	19	40 – 11
2.	Panaduz	15	32 – 20
3.	Sevelen	11	25 – 28
4.	Danis/Tavanasa	11	24 – 30
5.	Pizol 2	6	14 – 25
6.	Trin	4	9 - 30

Damas 30 + 3. ligia



Davos da seniester: Anastasia Wolf, Ricarda Tuor (**capitani**), Renata Monn
Davon da seniester: Karin Peng, Nadia Schmed

Giugs e rangaziun

Rebstein	-	Trun	1 : 5
Trun	-	Mustér	5 : 1
Domat	-	Trun	1 : 5
Trun	-	Schaan	0 : 0*

*Giugs curdai ora ein valetai cun 0 : 0

1. Trun	15	32 – 9
2. Rebstein	12	26 – 16
3. Domat	7	15 – 12
4. Schaan	7	15 – 23
5. Mustér	1	6 – 34

Damas 40+ 3. ligia



Davos da seniester: Manuela Decurtins, Erna Nay, **Gaby Demont (capitani)**
Davon da seniester: Cristina Derungs, Vica Maissen, Petra Duff

Giugs e rangaziun

Celerina	-	Trun	0 : 0*
Trun	-	Grüsch	5 : 1
Cuera	-	Trun	5 : 1
Trun	-	Flem	3 : 3
Trun	-	Tavau	0 : 0*

*Giugs curdai ora ein valetai cun 0 : 0

1. Cuera	14	30 – 11
2. Tavau	9	20 – 20
3. Trun	9	19 – 22
4. Flem	7	16 – 23
5. Celerina	7	15 – 11
6. Grüsch	2	7 – 20

Umens 3. ligia

Giugadurs:

Dario Albin, Simon Decurtins, Noel Duff, Simon Lechmann, Andrin Petschen, Leandro Petschen, Luca Pally, **Yanick Pally (capitani)**

Giugs e rangaziun

Trun	-	Pizol	0 : 0*
Danis-Tavan	-	Trun	3 : 6
Trun	-	Panaduz	4 : 2
Trin	-	Tun	0 : 0*

*Giugs curdai ora ein valetai cun 0 : 0

1. Pizol	24	50 – 11
2. Trun	10	23 – 10
3. Panaduz	9	23 – 33
4. Trin	4	10 – 31
5. Danis-Tavan	4	09 – 30

Umens 45+ 2. ligia

Giugadurs:

*Silvio Albin, Erich Decurtins, Luis Caduff, Bernd Lay,
Werner Manetsch, Urs Pfister, Gion Petschen, **Ramun
Venzin (capitani)***

Giugs e rangaziun

Trun	-	Razén	0 : 0*
Trun	-	Zizers	4 : 3
Landquart	-	Trun	3 : 4
Trun	-	Panaduz	5 : 2
Danis-Tavan	-	Trun	0 : 0*

*Giugs curdai ora ein valetai cun 0 : 0

1. Trun	13	30 – 20
2. Danis-Tavan	13	27 – 18
3. Panaduz	11	26 – 26
4. Landquart	10	23 – 24
5. Zizers	9	24 – 28
6. Razén	7	17 – 31

Termins impurtonts e sesiun d'interclub 2021

La fin dalla sesiun ei mintgamai era l'entschatta dalla sesiun nova. Sur dils termins impurtonts haiel jeu informau las equipas d'Interclub en miu scriver digl october 2020 sco: mutaziuns dallas licenzas, annunzia dallas equipa per igl interclub 2021 eav. La sesiun d'interclub 2021 entscheiva la fin dalla jamna dils 8/9 da matg 2021.

Abdicaziun

Suenter 4 onns meinagiug (da quei aunc dus ella funcziun da meinaturnier) seretilel jeu da miu uffeci. Miu successur daventa Simon Decurtins, che ha gia ina gronda rutina e survesta sur dil menaschai d'Interclub e turniers. Jeu supplicheschel ils capitans da dar ad el il medemamein sustegn sco quei ch'jeu haiel astgau guder. En quei connex lessel jeu engraziar a vus per la fetg buna collaboraziun duront quels quater onns e giavischar a miu successur Simon tut bien en siu niev uffeci. In special Dieus paghi a mias collegas e mes collegas dalla suprastanza per la collaboraziun fetg buna e zun vicendeivla e cunzun al president Erich Decurtins, che ha surpriu ils davos dus onns la funcziun dil meinaturnier per discargar mei.

Stei sauns!

Trun, ils 20 d'october 2020 /resp. ils 7 da mars 2021

Silvio Albin, meinagiug